



REPUBLIKA E KOSOVËS / REPUBLIKA KOSOVA

GJYKATA THEMELORE GJILAN - DEGA E GJYKATËS KAMENICË

Numri i lëndës: 2019:107178

Datë: 19.04.2021

Numri i dokumentit: 01705436

P.nr.87/2019

NË EMËR TË POPULLIT

Gjykata Themelore në Gjilan - Dega në Kamenicë, gjyqtari Sadri Krasniqi, me sekretaren juridike Ramize Rrudhani, në lëndën penale kundër të akuzuarit D.D. nga fsh., për shkak të veprës penale: Sulm nga neni 184, parag.3, nën parag.3.1, të KPRK-së, sipas aktakuzës së PTH-së nga Gjilani PP.II.nr.714/2019, të dt. 15.05.2019, në seancën gjyqësore të mbajtur më 31.03.2021, në prani të Prokurorës së Shtetit Bahtie Ademi dhe të akuzuarit D.Di, shpalli dhe publikisht komunikoi, ndërsa më datën 19.04.2021 përpiloi këtë:

A K T G J Y K I M

I a k u z u a r i :

D.D., pa pseudonim dhe emër të rrejshëm, nga i ati Zh., e ëma, S., mbiemri i vajzërisë, Zh., i lindur më, në, tani me vendbanim në, me nr. personal, serb, shtetas i Republikës së Kosovës, i pa martuar, ka të kryer shkollën e mesme, i pa punësuar, i gjendjes së varfër ekonomike, në bazë të evidencës që disponon kjo gjykatë ka qenë i dënuar edhe më parë për vepra penale..

Ë s h t ë f a j t o r

Sepse,

Më datë 26.04.2019, në Kamenicë, në lokalit "Zhuçe", i pandehuri me qëllim të ushtrimit të pushtetit dhe kontrollit tek e dëmtuara-bashkëjetuesja e tij I. R., me dashje dhe me qëllim të shkakimit të dhembjes, mundimit, frikës dhe shqetësimit, ka shkakuar dhunë në familje duke sulmuar fizikisht të njëjtën pa pëlqimin e saj, në atë mënyrë që tek sa e dëmtuara ishte duke drekuar me një mike të saj, i dëmtuari futet në lokal, fillimisht e shanë dhe e fyen me fjalë duke e urdhëruar të ngritët nga tavolina, më pas e godet dy herë me shuplaka fytyrës, e

që si pasojë e veprimeve të tij, tek e dëmtuara pos që ka cenuar rëndë dinjitetin e saj, ka shkaktuar edhe frikë, dhembje, mundim dhe shqetësim të madh emocional.

- me ç'rast ka kryer veprën penale: sulm nga neni 184, parag. 3, nën parag.3.1 të KPRK-së,

Gjykata në bazë të nenit të lartë cekur dhe neneve 4, 38, 39, 42, 44, 69 dhe 70 të KPRK-së, lidhur me nenin 248, 365 dhe 451 të KPPRK-së, të akuzuarin D.D.,

G J Y K O N

Me dënim burgu efektiv në kohëzgjatje prej **60 ditëve**, i cili dënim në bazë të nenit 44, parag.1, dhe 2, të KPRK-së, dhe me pëlqimin e të akuzuarit do t'i zëvendësohet në dënim me gjobë, në shumën prej **600 €**, të cilin dënim me gjobë, i pandehuri ka për ta paguar në afat prej 15 dite pas plotfuqishmërisë së aktgjykimit, në tri këste mujore, në të kundërtën, dënimin me gjobë, të njejtit do ti zëvendësohet në dënim burgu ashtu që për çdo 20 €, do ti llogaritet nga një ditë burg.

E dëmtuara I. R. nga, nuk i bashkangjitet ndjekjes penale dhe nuk parashtron kërkesë pasurore juridike .

Detyrohet i akuzuari D. D., që në emër të paushallit gjyqësor të paguaj shumën prej 20 €, krejt këto në afat prej 15 ditësh nga dita e plotfuqishmërisë së këtij aktgjykimi me kanosje përmbarimi.

Njashtu i akuzuari obligohet që në kuptim të nenit 39, paragrafi 3, nën paragrafi 3.1 të Ligjit për Kompensimin e Viktimave të Krimit, të paguaj shumën prej 30 €, në afat prej 15 ditësh nga dita e plotfuqishmërisë së këtij aktgjykimi me kanosje përmbarimi.

A r s y e t i m

Prokuroria Themelore në Gjilan, me aktakuzën PP.II.nr.714//2019, të dt. 15.05.2019, ka kërkuar që ndaj të akuzuarit: D. D. nga, të fillohet dhe shtjellohet procedura penale, për shkak të veprës penale: Dhunë në familje nga neni 248, të KPRK-së, lidhur me veprën penale sulm nga neni 184, parag. 3, nën parag.3.1, të KPRK-së, të shpallet fajtor dhe të dënohen sipas ligjit.

Gjykata shqyrtoi aktakuzën dhe pas vlerësimit të së njëjtës dhe shkresave tjera të lëndës konstatoi se aktakuza është e bazuar në ligj, andaj duke vepruar sipas të njëjtës, ka caktuar

seancë gjyqësore për shqyrtim fillestar kundër të akuzuarit për dat.24.10.2019, në të cilën seancë gjyqësore pas leximit të aktakuzës nga ana e prokurorit të shtetit, i akuzuari D. D.ka deklaruar se e ka kuptuar aktakuzën dhe veprën penale për të cilën akuzohet, por deklaroi se në këtë seancë nuk do të deklarohet rreth pranimin të fajësisë, sepse është i interesuar që me prokurorin e shtetit të arrij marrëveshje për pranimin e fajësisë.

Pasi që i akuzuari në afatin e lënë ligjor nuk ka arrit që me prokurorin e shtetit të lidhin marrëveshje për pranimin e fajësisë, gjykata lidhur me rastin përsëri ka caktuar seancë gjyqësore për shqyrtim fillestar kundër të akuzuarit për dat.31.03.2021, në të cilën seancë gjyqësore pas leximit të aktakuzës, prokurorja e shtetit, bënë përmirësimin e aktakuzës vetëm sa i përket kualifikimit juridik të veprës penale, edhe atë: nga vepra penale: Dhunë në familje nga neni 248, të KPRK-së, lidhur me veprën penale sulm nga neni 184, paragrafi 3, nën paragraf.3.1, të KPRK-së, në veprën penale: Sulmi nga neni 184, paragrafi 3, nën paragraf.3.1 të KPRK-së. Ndërsa i akuzuari D. D., ka deklaruar se e ka kuptuar aktakuzën dhe veprën penale për të cilën akuzohet, njëherit deklaroi se e pranon fajësinë për kryerjen e kësaj vepre penale.

Në shqyrtimin fillestar dhe publik, gjykata pas dëgjimit të palëve ka marrë aktvendim me të cilin ka pranuar pranimin e fajësisë, ngase ka konstatuar se janë plotësuar të gjitha kushtet ligjore për një gjë të tillë. Në këtë aspekt, gjykata ka konstatuar se i akuzuari e ka kuptuar natyrën dhe pasojat e pranimin të fajësisë; se pranimi i fajësisë është bërë vullnetarisht nga i akuzuari, se pranimi i fajësisë mbështetet në faktet e çështjes që përmban aktakuza dhe aktakuza nuk përmban asnjë shkelje të qartë ligjore ose gabime faktike.

Andaj, duke u bazuar në të cekurat më lartë, gjykata e ka vërtetuar këtë gjendje faktike:

- se i akuzuari D. D.me dashje ka kryer veprën penale: Sulmi nga neni 184, paragrafi 3, nën paragraf.3.1, të KPRK-së, në kohën, vendin dhe mënyrën e përshkruar si në dispozitivin e këtij aktgjykimi, për të cilën vepër penale, gjykata të akuzuarin e shpalli fajtor, ngase veprimet e të njëjtit i përmbajnë të gjitha tiparet e kësaj vepre penale dhe se për të njëjtën është edhe penalisht përgjegjës.

Me rastin e vendosjes për llojin dhe lartësinë e dënimit ndaj të akuzuarit për veprën penale të kryer, gjykata vlerësoi të gjitha rrethanat të cilat në kuptim të nenit 70 të KPRK-së, ndikojnë në shqiptimin e drejtë dhe meritore të dënimit ligjor. Në veçanti për këtë rast si rrethana lehtësuese për të akuzuarin gjykata pati parasysh pranimin e fajësisë nga i akuzuari, gjendjen e vështirë ekonomike në të cilën jeton, se është penduar thellë për veprën penale të

kryer, të dëmtuarës i kërkon falje publike, si dhe i premtun gjykatës se në të ardhmen nuk do të kryej këso vepra penale apo të natyrës tjetër penale.

Sipas bindjes së gjykatës, dënimi me burg, i zëvendësuar me gjobë si në dispozitiv të këtij aktgjykimit ndaj të akuzuarit D. D., duke i marrë për bazë rrethanat e përmendura më lartë, është dënim i drejtë, në harmoni me peshën e veprës penale dhe shkallën e përgjegjësisë të akuzuarit.

Gjykata, gjithashtu ka konstatuar se me këtë dënim, mund të arrihet edhe qëllimi i dënimit nga neni 38 i KPRK-së, i cili konsiston në parandalimin e të akuzuarit nga kryerja e veprave penale në të ardhmen dhe të bëjë rehabilitimin e tij; të parandalojë personat e tjerë nga kryerja e veprave penale dhe të shprehë gjykimin shoqëror për veprën penale, ngritjen e moralit dhe forcimin e detyrimit për respektimin e ligjit.

E dëmtuara I. R. nga, nuk i bashkangjitet ndjekjes penale dhe nuk parashtron kërkesë pasurore juridike.

Duke pasur parasysh natyrën e kësaj çështje penale dhe gjendjen financiare të akuzuarit, gjyqtari i vetëm gjykues, bazuar në nenin 451 paragrafi 1 i KPPRK-së, ka vendosur që të akuzuarin ta detyrojë për ta paguar paushallin gjyqësor në shumën prej 20 € (Njëzetë euro), si dhe 30 € për Programin për Kompensimin e Viktimave të Krimit, në afat prej 15 ditësh nga dita e plotfuqishmërisë së këtij aktgjykimi me kanosje përmbarimi.

Nga të cekurat më lartë është vendosur si në dispozitiv të këtij aktgjykimi.

GJYKATA THEMELORE NË GJILAN- DEGA NË KAMENICË,

P.nr. 87/2019 më datë. 19.04.2021

Gj y q t a r i,
Sadri Krasniqi, d.v.

KËSHILLA JURIDIKE: Kundër këtij aktgjykimi është e lejuar ankesa në afat prej 15 ditësh nga dita e pranimit të aktgjykimit, Gjykatës së Apelit në Prishtinë, përmes kësaj gjykate.